

## BADALUCCO

### *A tramuntan-a e u su'*

I criàva, in bèlu di', a tramuntana e u su' attésu che ün u voréva, a tütti i conti, ésse ciü forte che l'autru, cand'i an vistu in pelegrin ch'u vegniva in za' tüttu ingœgliàu int'u so' mantélu. 'Sti dui ratelùxi, cuscì, i s'èia mésci d'acòrdiu che u ciü gagliardu u seéva stàu chelu ch'u ne fusse sciortiu a fàghe levà 'su mantélu d'in colu au pelegrin.

U vèntu de tramuntan-a, u primu, dunca, u gh'a dàitu séccu sciüsciandu fórte ciü ch'u poreva, ma ciü ch'u sciüsciava, è ciü che stu giamundu u se seràva int'u mantélu, tantu che aa fin, u vèntu, meschìn u l'a duvüu chittà de sciüscià e lasciàghe pèrde. U su', alavù, u s'a faitu vé' int'u ciélu e élü inscì u gh'a dàu séccu a lüxì cume tüttu e, de lì a in pocu, 'stu pelegrin u stegniva da u càudu e... u s'a tràu u mantélu.

A tramuntan-a, dunca, a l'è stàita dubriga' a recunusce ch'u nu gh'èia mézi; u su' u l'èia bèn ciü gagliardu che éla.

A v'è apiaixüa 'sta bèla fróa? I vore' ch'a v'a conte turna?